

Asiaq – Greenland
Survey (Misissueqqaar-
nerit / Grønlands forun-
dersøgelser)

2024-mi ukiumoortumik
nalunaarummut
kukkunersiuusut
oqaaseqaataat

Imarisaa

1.	Ukiumoortumik naatsorsuutit kukkundersiukkat	3
2.	Kukkundersiuinermut ingerlanneqartumut inerniliussaq	4
3.	Aningaasaqarnermik kukkundersiuneq	5
4.	Inatsisit atuutsinneqarnerannik kukkundersiuneq	10
5.	Ingerlatsinermik kukkundersiuneq	14
6.	Ingerlatsinermik kukkundersiunerit annertunerusut	17
7.	Paasissutissat allat	18
8.	Atsiornerit	19

1. Ukiumoortumik naatsorsuutit kukkunersiukkat

Aqutsisut saqqummiuppaat ukiumut naatsorsuuseriviusumut 2024-mut, suliffeqarfiup namminersortitap Asiaq – Greenland Survey (Misissueqqaarnerit / Grønlands Forundersøgelser) ukiumoortumik nalunaarutai.

Deloitte Namminersorlutik Oqartussanut avataanit kukkunersiuisutut toqqakkatut atuuffeqartoq ukiumoortumik naatsorsuutit kukkunersiuinermik ingerlatsivoq inatsisit, malittarisassat ileqqussallu atuuttut naapertorlugit.

Ukiumoortumik naatsorsuutit – uagut kukkunersiukkavut – kisitsisinik pingaarnernik imaattunik ersersitsipput:

	2024 t.kr.	2023 t.kr.
Angusat	558	1.916
Pigisat	29.650	28.405
Nammineq aningaasaatit	24.994	24.435

Kukkunersiuiunerup siunertaa, annertussusia aamma ingerlanneqarnera, kukkunersiuisup nalunaarutiginninnera kiisalu akisussaaffiit agguataarneqarnerat il.il. Deloitte najoqqutassiaani "Nalinginnaasumik atugassarititaasut aamma piumasaqaatit" allassimapput.

Uagut isumaqatigiissutitut allatarput taakkununga linkinik imaqarpoq, aamma innersuussutigissavarput aqutsisunut ilaasortat tamarmik kukkunersiuiunerup siunertaanik, annertussusianik aamma ingerlanneqarneranik, kukkunersiuisup nalunaarutiginninneranik kiisalu akisussaaffiit agguataarsimanerannik il.il. ilisimasaqaleqqullugit.

2. Kukkunersiuinermut ingerlanneqartumut inerniliusseq

2.1. Kukkunersiuisup uppersarsaanera

Kukkunersiuineq ingerlanneqartoq tunuliaqutaralugu ukiumoortumik naatsorsuutit nangaassuteqarata, erseqqissaateqarata imaluunniit isorinninnermik oqaaseqaatinik ilanngussaqaarata uppersarsaaserpavut.

Kukkunersiuisut uppersarsaanerat ukiumoortumik nalunaarummi quppernemi 10-12-imiippoq.

2.2. Kukkunersiuisut oqaaseqaataat

Kukkunersiuisutut oqaaseqaammik saqqummiussisarpugut pissutsit ima pingaaruteqartigippata aamma/imaluunniit ima tunngavissaqartigippata, ingerlatsisut pissutsinik passussinerat politikikkut aalajangiiffiqineqartariaqarnera naapertuuttutut isigigaangatsigu.

Taamaattumik Kukkunersiuisut oqaaseqaataat ingerlatsisunit immikkoortillugit akineqarnissaat naatsorsuutigineqartarpoq, oqaaseqaat soorluttaaq ingerlatsisut akissuteqaataat aamma iliuusissatut pilersaarut politikikkut akuerineqartussatut kingorna saqqummiunneqassallutik.

Ukiumoortumik kukkunersiuinermi malittarineqartarpoq ingerlatsisut iliuusissatut pilersaarutaat pissutsimut iluarsiiersoq imaluunniit pissutsip ikiorserneqarnissaanut sulii ukkassisoqarnissaanik pisariaqartitsisoqarnersoq nakkutilliiffigiumallugu.

2.2.1. Ukiumoortumik kukkunersiuinermi Kukkunersiuisut oqaaseqaataat

Ukiumoortumik kukkunersiuineq Kukkunersiuisut oqaaseqaateqarnissaannut tunngavissiiingilaq, taamaallaat immikkoortuni tulluuttuni innersuussutiniq ataasiakkaanik saqqummiussisoqarpoq.

2.2.2. Ukiut siuliini Kukkunersiuisut oqaaseqaataannik malitseqartitsineq

Ukiut siuliini kukkunersiuisut oqaaseqaatinik saqqummiussinngillat.

3. Aningaasaqarnermik kukkundersiuneq

Aningaasaqarnermik kukkundersiunerup imaraa Asiaq-p ukiumoortumik naatsorsuutaasa sutigut tamatigut eqqortumik saqqummiunneqarnerannik kukkundersiuneq, imaappoq Namminersorlutik Oqartussat suliffeqarfiutaasa nammineertitat naatsorsuusiortarnerat pillugu Namminersorlutik Oqartussat nalunaarutaat nr. 24, 22. december 2017 naapertorlugu naatsorsuutit kukkunernik amigaatinillu pingaarutilinnik imaqaratik suliarineqartut.

3.1. Aallaqqaasiut

Kukkundersiuneq ingerlanneqarpoq nunatsinni kukkundersiuisoqarnek pillugu inatsit kiisalu nunani tamalaani aningaasaqarnermik kukkundersiunerimi malitassat naapertorlugit.

Suliffeqarfiup ukiumoortumik naatsorsuutai suliarineqarput Namminersorlutik Oqartussat suliffeqarfiutaasa nammineertitat naatsorsuusiortarnerat pillugu Namminersorlutik Oqartussat nalunaarutaat nr. 24, 22 december 2017 naapertorlugu.

Nalunaarummi aalajangersarneqarpoq, ukiumoortumik nalunaarut saqqummiunneqassasoq Kalaallit Nunaanni ukiumoortumik nalunaarusiortarnek pillugu peqqussut qaqugukkulluunniit atuuttoq naapertorlugu, suliffeqarfik Namminersorlutik Oqartussat pigisaattut inuiaqatigiinnik eqqarsaatiginnilluni ingerlanneqarnerata kingunerisaanik nikingassutinut ilanngunneqassapput taakkununga aaqqiissutaasut immikkut inatsisit ilanngullugit.

Ukiumoortumik naatsorsuutinut inatsimmit aalajangersakkanit nikingassutit, ukiumoortumik naatsorsuutini naatsorsuuserinerimi periuseq atorineqartoq pillugu immikkoortumi allaaserineqarput.

3.2. Nammineq nakkutilliineq

Kukkundersiunerimi ilanngunneqarput suliffeqarfiup nalunaarutiginninnermik aaqqissuussai, suleriaatsitut atugai aamma nammineq nakkutilliineq illersorneqarsinnaasumik atuuffeqarnerannik naliliinerit.

Tassunga siunertaavoq naatsorsuutini saqqummiussinermut tunngavissat naatsorsuuserinerimi eqqortumik nalunaarsorneqarsimanerannik, uppernassuseqarnerannik piffissarlu eqqorlugu suliarineqarsimanerisa nakkutilliiffiqineqarnerat.

Aammattaaq suliffeqarfimmi suleriaatsit aamma nammineq nakkutilliinerit sukumiinerusut nuussinernut aamma naatsorsuutini inissitsikkanut immikkut pingaarutilinnut atorneqartut naliliiffigaavut.

3.2.1. Aqutsisut nakkutilliinernik tunulliussisinnaaneranannut aarlerinaatit

Aqutsisut nakkutilliinernik tunulliussinerat kukkunersuiusut najoqqutaat 240 naapertorlugu tamatigut aarlerinaataavoq pingaarutilik.

Kukkunersuiusutut iliuutsinik ingerlatsivugut aqutsisut nakkutilliinernik tunulliussisinnaaneranannut ersiutaasinnaasut suussusersiniarlugit. Immikkoortumi matumani iliuuserisat aamma suliassa qarfiit pingaartillugit misissorsimasavut allaaseraavut.

Aqutsisut nalinginnaasumik ima atorfeqartinneqartarput taakkununga peqquserluutinik ingerlatsisinnaaneq periarfissaalluni, aqutsisut naatsorsuutitut atortussanik uukapaatitsisinnaagamik nakkutilliinernik tunulliussinikkut, taakkununga pitsaasumik ingerlasorinaraluartunik.

Aqutsisoqatigiinnik allanillu tamanna pillugu oqaluuserinnippugut. Naatsorsuutiniq naliliinerni missiliuussinernilu kiffaanngissuseqarnerup amigaataasinnaanera eqqarsaatersuutigaarput, ilanngullugu naatsorsuutiniq missiliuussinernik pingaarutilinnik misissuivugut, assersuutigalugu sanaartukkatut pigisat nalingannik inissiinerit misilinneqarnerannik, sulinnngiffeqarnersiutissatut pisussaaffiit naatsorsorneqarnerat, eqqartuussivinni suliassat kingunerisinnaasaannik suliagarneq aamma aningaasartuutit piffissalersugaanerat.

Tamatumunngalu atatillugu paasivarput suliffeqarfik nakkutilliinernik pilersitsisimanngitsoq, ataasiakkaanik imaluunniit ataatsimoortunik, aqutsisut ukiumoortumik naatsorsuutit aalajangersimasumik angusaqarfiunissannut piaaraluni inissitsiterisinnaaneranannut aarlerinaatinut aaqqiissutaasinnaasunik.

Nakkutilliinerit amigaateqarnerisa kingunerisaanik qullersat ukiumoortumik nalunaarummik suliffeqarfiup pigisaanut, akiligassaanut aningaasaqarnikkullu inissisimaneranut aammalu piffissamut angusanut tunngatillugu eqqortumik takutitsinngitsumik saqqummiussisinnaanerisa aarlerinaateqarneranik annertunerulersitsivoq.

Inassutigissavarput qaammatit matunerinut tamanut atatillugu inissitsiterinerit tamaasa inissitsiterisuunngitsumit(nit) misissorneqartassasut, inissitsiterinerup qanoq ittuuneranik atorsinnaanerani allu nalilersuinissaq siunertaralugu.

Aammattaaq inassutigissavarput ukiumoortumik matusinerni tamani inissitsiterinerit aamma inissitsiterineri/ atorunnaarsitsinerit allat ileqquusumik ukiumoortumik matusinerup kingorna ingerlanneqartut inissitsiterisuunngitsumit(nit) misissorneqartassasut, inissitsiterinerup/atorunnaarsitsinerup atorsinnaanerata nalilersuiffigineqarnissaa siunertaralugu.

3.2.2. Peqquserluttoqarsinnaanerannut aarlerinaatit

Uagut kukkunersuiuinisinnik pilersaarusiornermut atasumik suliffeqarfimmi aqutsisunut apeqqutigaa, taakkua peqquserluttoqarsinnaanerannut aarlerinaatit pillugit naliliinerat.

Aqutsisut uagutsinnut ilisimatitsippot, aqutsisut naliliinerat naapertorlugu peqquserluuteqarnissamut aarlerinaatit annertuallaanngitsut, aamma suliffeqarfimmi nakkutilliinermik suliassa qarfik pitsaasuusoq, ukiumoortumik naatsorsuutini annertuumik kukkusumik paasissutissiinissamut

aarlerinaammik qulaarsisinnaallutik, tassunga ilanngullugit naatsorsuutini uukapaatitsinerup imaluunniit suliffeqarfiup pigisaanik atornerluinerup kinguneranik paasissutissanik kukkusunik qulaarsisinnaapput.

Aqutsisut peqquserluutiniq ilisimasaqanngillat imaluunniit peqquserluttoqarsimasinnaanera pillugu misissuinerup ingerlasoqarneranik ilisimasaqanngillat.

Oqaatigissavarput, kukkunerisuiunitta nalaani peqquserluttoqarsimanera pissutigalugu ukiumoortumik naatsorsuutini kukkunerup naammattuugaqannginnatta.

3.2.3. Atuuffimmik immikkoortitsisinnaaneq amigaataasoq

Suliffeqarfiup ukiumoortumik naatsorsuutaani kukkunerup malunnaatilinnik pinngitsoortitsinissamut periarfissamik pinngitsoortitsinissamut siullertut pingaarnertullu tunngaviupput, suliffeqarfiup nalunaarsuinerup aqqissuussaani aamma suleriaasiani nammeneq nakkutilliinerup toqissisimanartumik qulakkeerinnittoqarsimanera.

Paasivarput suliffeqarfiup naatsorsuuserivia suliffeqarfiup naatsorsuutitut tunngasunik suliaanut tamaginnut isumaginnittuusoq. Tamanna isumaqarpoq suliassaqaarfinni atuuffinni pingaarutilinni immikkoortitsinerup pilersitsisoqarsimanngitsoq.

Atuuffimmik immikkoortitsisinnaanerup amigaataasup nassataanik suliffeqarfiup ukiumoortumik naatsorsuutaasa kukkuneqarsinnaanerannut aarlerinaat annertusarneqarpoq piaarluni piaarinaatsoornikkulluunniit iluutsit imaluunniit amigaatit nassataannik. Ukiumoortumik naatsorsuutini kukkunerit unneqqaserlunnermit pissuteqartut kukkunerisuiunerup nalaani tamatigut paasineqarsinnaasanngillat, kukkunerit taamaattut nalinginnaasumik paasiuminaallisarneqarlutik imaluunniit isertuunneqartarnerat pissutigalugu.

Ilisimavarput suliffeqarfiup nukissaasa killeqarnerat pissutigalugu, suliassaqaarfiit taaneqartut pillugit atuuffimmik immikkoortitsisinnaanerit pisariaqartut pilersinneqarsinnaanerat ajornakusoorrata.

Erseqqissaatigissavarput oqaaseqaatit qulaani taaneqartut ima paasineqassanngimmata uagut kukkunerisuiunitta nalaani pissutisilik naapertuutinnigitsunik imaluunniit peqquserluutiniq pasitsannarsinnaasunik pisoqarsimaneranik paasisaqarsimasugut, imali paasineqassallutik, suliffeqarfiup nammeneq nakkutilliinerata ilaatut atuuffimmik immikkoortitsisinnaaneq nalinginnaasumik pingaarutilittut isigineqartarmat.

Atuuffimmik immikkoortitsisinnaaneq amigaataasoq tunngavigalugu suliffeqarfiup nammeneq nakkutilliineranik nakkutilliinerup sukumiisumik ingerlatsinnigilugut.

3.2.4. Nammeneq nakkutilliinerup naliliinerit

Naliliinerput naapertorlugu suliffeqarfiup nakkutilliinerup aqqissuussinera pingaarnerusoq naleqquttuullunilu illersorneqarsinnaavoq aningaasaqarnerup immikkoortortaqaarfimmi sulisut amerlassusiat aamma suliffeqarfiup angissusia tunngavigalugu.

Erseqqissaatigissavarpulli nammeneq inissitsitikkat akuerineqartanninnerat Imm. 3.2.1 tak. ukiumoortumik naatsorsuutit piaarluni imaluunniit piaarinaatsoornikkut kukkuneqalersinnaanerisa aarlerinaateqarneranik annertunerulersitsisinnaasoq.

Oqaatigissavarput, kukkunerisuiunitta nalaani qulaani allaaserineqartup malitsigisaanik kukkunerup naammattuugaqannginnatta.

3.3. IT-mik isumannaallisaaneq nalinginnaasoq

Uagut naliliivugut, suliffeqarfimmi IT-mik atuineq aamma IT-mik nakkutilliissutini nalinginnaasuni sanngееqutaasinnaasut imaluunniit amigaataasinnaasut ukiumoortumik naatsorsuutini kukkunernik malunnaatilinnik imaluunniit amigaatinik kinguneqartitsisinnaanngitsut.

Taamaattumik suliffeqarfiup IT-mik nakkutilliissutai nalinginnaasut nakkutilliiffiginngilagut.

3.4. Aningaasaqarnermik kukkunersiuinermi immikkoortut pingaarutillit

Ukiumoortumik naatsorsuutini kukkunersiuinitsinni immikkoortut pingaarutillit tulluuttut maluginiarpavut:

3.4.1. Tunisanit kiffartuussinernillu pissat

Pissat pisortatut oqartussaaffeqartunut allanut annermik tunngassuteqarput, taamaattumik annaasaqarsinnaanermut aarlerinaat appasissuaqqatut nalilerneqarpoq. Tamanna tunngavigalugu annaasaqaataasinnaasunut illuartitsisoqanngilaq.

3.4.2. Suliniutit ingerlasut

Suliat ingerlasut nakkutilliiffigaavut. Taakkununga atasumik nalunaaquttap-akunneri aamma aningaasartuutit kiisalu akiligassiissutitut akiliigallannerit (á conto faktureringer) nalunaarsorneqarsimasut tunngavissartaat misissugassanik tiguisarluta nakkutilliiffigaavut.

Suliat ingerlasut ukuupput:

	t.kr.
Suliat ingerlasut akerpiaannut naatsorsorneqarnerat	1.966
Akiligassiissutitut akiliigallannerit (á conto)	(2.017)
Ilanngaaseereerluni	(50)
Naatsorsuutini saqqummiunneqartoq	
Suliaq ingerlasoq allamut akiligassaq	335
Suliniutitut ingerlasunut siumoortumik akiliutit tigoriikkat	(385)
	50

Sammisat avataanit aningaasalersorneqartut akiisa aalajangersimasumik isumaqatigiissutaasut qaffakkiartornerat ilutigalugit, isumaqatigiissutit ataasiakkaat aqunnissaat pingaaruteqarnerulersarpoq, tassunga ilanngullugu suliat ingerlasut nalikillilernerneqarnissaannut pisariaqartitsinerup ingerlaavartumik nalilersorneqarnerat, ima nalilerneqarsimappat isumaqatigiissutit aningaasartaasa katinnerat nalunaaquttap-akunnerit atorneqartunut aamma suliat ataasiakkaat naammassineqarnissaannut nalunaaquttap-akunneri atorneqartussatut naatsorsuutigisaasut imminnut naapertuutinngitsut.

3.5. Aqutsisut naatsorsuutininik uppersarsaanerat aamma ukiumoortumik naatsorsuutini kukkunerit iluarsineqanngitsut

Kukkunersiuineq pillugu nunani tamalaani malitassat naapertorlugit pissutsit ukiumoortumik nalunaarummi iluarsineqarsimanngitsut suussusersisavut ilisimatitsissutigissavagut.

Ilisimatitsissut taanna tunniunneqassaaq aqutsisut tassannga ilisimatinneqarnerat qulakkeerumallugu.

2024-mi naatsorsuutininik saqqummiussinnermut atasumik pissutsinik pingaarutilinnik ukiumoortumik nalunaarummi ilanngunneqarsimasariaqaraluartunik paasisaqanngilagut.

Suliassaqarfinnik kukkunersioruminaatsunik kukkunersiuinnermut atasumik ukiumoortumik naatsorsuuseriffiusumut 2024-mut pisortaqtigiti naatsorsuutinit uppersarsaammik uagutsinnut tunniussipput.

3.6. Sillimmasersimanermut tunngasut

Uagut kukkunersiuinitsinni suliffeqarfiup sillimmasersimaneranut tunngasut ilanngunneqanngillat. Innersuussutigissavarput, suliffeqarfiup minnerpaamik ukiumut ataasiarluni sillimmasersimanerup katinnera sillimmasiisarfik imaluunniit isumaqtigiinniartartoq peqatigalugu nakkutilliiffigisaqqullugu sillimmasiinerit il.il. naliliiffigisinnaajumallugit, tassunga ilanngullugu sillimmasiinerit naammattuunerat aamma suliassaqarfiit immikkut ittut pillugit suliffeqarfiup sillimmasiinissaminut amigaaeqarsinnaanera nakkutilliiffigisinnaaqqullugu.

Naatsorsuutininik naammassinninnermut atasumik ulluinnarni aqutsisunit uppersarsaqqarput, suliffeqarfiup pissutsit atuuttut eqqarsaatigalugit, suliffeqarfiup aserorneqarsinnaaneranut matussusiinnaasutut missiliussineq naapertorlugu sillimasiinerup pilersinneqarsimanera.

4. Inatsisit atuutsinneqarnerannik kukkunersiuineq

Inatsisit atuutsinneqarnerannik kukkunersiuinermi inatsisit, malittarisassat aamma nalinginnaasumik ileqqussat malinneqarnerat misilerarneqartarput.

Pisortat kukkunersiorneqartarneranni malittarisassat (SOR) naapertorlugit pisussaaffinnik kukkunersiuineq ingerlanneqarsinnaavoq kukkunersiorneqartussat kaaviiartumik pilersaarusiarneqarnerat naapertorlugu, taamaaliornikkut kukkunersiorneqartussatut pisussaaffittallit ukiut 5-it qaangiukkaangata misissorneqartarput.

Aarlerinaatinik aamma pingaarutilinnik naliliinerput tunngavigalugu kukkunersiorneqartartussatut pilersaarummik kaaviiartussamik tulluuttumik suliaqarpugut

Sammisanut pilersaarutit/sammisat	Kingullermik misissuineq	2020	2021	2022	2023	2024
Negerooruteqartitsinermi malittarisassanik pisiniartarnermilu politikkinik eqquutitsinerit*	2024	X	(X)	X	(X)	(X)
Akissarsialerinermi atorfinitsitsinermilu aalajangersakkat malittarineqartussat *	2024	X	(X)	X	(X)	(X)
Tunisinermi malittarisassat misissorneqarnerat*	2022	X	(X)	X	(X)	(X)

* SOR naapertorlugu sammisanut pilersaarut. Iliuserisanik itisiliineq ukiumit ukiumut nikerarsinnaavoq, taanna nalunaaqutserneqarpoq (X). Sammisaaq toqqarneqarsimappat (ungaluuteqanngilaq), pingaaruteqarnera- aamma aarlerinaateqarnera tunngavigalugu toqqaasoqassaaq taassumalu iluani pingaarnersiorneqarsimasut nakkutilliiiffigineqarlutik.

4.1. Killiliineq

Inatsisit atuutsinneqarnerannik kukkunersiuineq ukiumoortumik naatsorsuutunut attuumassutilik siullertut pingaarnertullu aaqqissuussat aamma ingerlatseriaatsit pilersinneqarsimasut nakkutilliiiffiginerannik ingerlatsineruvoq.

Suliassaqarfinnik misissugassanik tiguisarluta nakkutilliiinernik ataasiakkaanik ingerlatsivugut, ilaatigut suliassaqarfinni suleriaatsit misilittarumallugit kisianni aamma suliani toqqakkani inatsit malittarisassallu eqquutsinneqarnerat nakkutilliiiffigiumallugit.

Inatsisinik malittarisassanillu eqquutitsinermut inerniliussagut taamaallaat sulianut nakkutilliiiffigineqartunut tunngassuteqarput.

4.2. Nakkutilliinermik suliassaqarfik

Inatsisit, malittarisassat, isumaqatigiissutit atuuttut aamma ingerlatsinermi periutsit nalinginnaasut nakkutilliinermik ingerlatsiffigineqarnerat ilaatigut tulliuttunik imaqarpoq:

- inatsisit malittarisassat il.il. sulinermi najoqqutarineqartut tamakkiisumik paasineqarsimanerat
- ingerlatsinermi kukkunernut amigaatinullu aarlerinaammik ilisimaarinninneq aalajangiussaqaarsimanerlu
- inatsisit malittarisassat il.il. eqquutsinneqarnissaannut qulakkeerinnissutaasunik ingerlatseriaatsinik naapertuuttunik pilersitsineq
- "qullersat nipaata" aamma ingerlatseriaatsitut pilersinneqarsimasut kissaatigisatut sunniuteqarnerannik malittarinninneq

Inatsisit malittarisassat il.il. eqquutsinneqarnerannut aqutsisut akisussaasuupput.

4.3. Neqerooruteqartitsinermi malittarisassanik pisiniartarnermilu politikkinik eqquutsitsineq

Siunertaq

Pisiniarnermi neqerooruteqartitsinermi malittarisassanik pisiniartarnermilu politikkinik eqquutsitsineq, neqerooruteqartitsinermi killissarititaasut eqquutsinneqarnerannik pingaartitsineruvoq.

Pisiniartarnermi malittarisassat Pisortat oqartussaaffeqarfigisaanni suliffeqarfiinilu nioqqutissanik kiffartuussinernillu pisiniarnermut tunngatillugu neqerooruteqartitsisarneq pillugu Inatsisartut inatsisaanni allassimapput.

Annertussuseq

Nakkutilliinermi ilaatigut tulliuttut naliliiffigineqarput;

- pisiniartarnermi politikkinik suliaqartoqaarsimanersoq, pisiniarnermi suut aamma qanoq annertutigisut erseqqissarneqarnerat ilanngullugit
- politikkini aamma suleriaatsini erseqqissumik allassimanersoq pisiniarnermut atasumik akisussaaffiit agguataarsimanerat, tassunga ilanngullugit pisiniarnerni assigiinngitsuni periutsinik naliliinermi suut killiussatut aalajangersarneqarsimanersut
- aningaasartuunik akuersinermi akuersissuteqarnermut ingerlatseriaaseqarnerasoq, kiisalu ingerlatseriaatsimik tassannga eqquutsitsisoqarnera.

Paasisat

Asiaq angissutsini pissutigalugu pisiniartarnermik immikkoortortavimmik peqanngilaq aamma pisiniartarnermi politikkimik namminerisamik suliaqarsimanngilaq.

Pisiniarnerit ingerlanneqarsimasut misissugassanik tigusiiffisarnernit paasivarpuit neqerooruteqartitsisarnermik inatsit naapertorlugu killissarititaasoq kr. 500.000 sinnerlugu pisiat amerlanngitsuinnaasut. Pisiniarnernut taakkununga atasumik pisiniartarfinnit piusimasinnaasunit akigititat pissarsiarineqarsimapput.

4.4. Akissarsialerinerimi atorfinitsitsinermilu aalajangersakkat malinneqartussat

Siunertaq

Akissarsialerinerimi atorfinitsitsinermilu aalajangersakkat malittarineqartussat kukkunerisiorneqarneranni pingaartinneqarpoq:

- isumaqatigiissutit allanngorneranni akissarsiassat allannguutaannik aaqqiissuussamik nutarterineq
- isumaqatigiissutit naapertorlugit eqqortumik inissiinerit, ukiunik suliffiusimasunik naatsorsuinerit kiisalu piginnaassutsimut tapiusinnaasunik uppersaaneq
- akissarsianik eqqortumik naatsorsuineq aamma nalunaarutiginninneq

Annertussuseq

Kukkunersiuinerimi ilaatigut nalilernerqarpoq Asiaq:

- suleriaatsinik pilersitsisimansoq, malittarisassat atuuttut naapertornagit akissarsianik akiliuteqartarnissamut pinaveersaartitsissutaasunik
- nalilersuinerimi periaatsinik atugaqarnersoq, akissarsiassat isumaqatigiissutini sorlarni inissisimanissaannut naapertuuttumik uppersaaneq aallaavigineqartaqqullugu
- pisinnaatitsisoqarnani isersinnaasunik nakkutilliineq
- nuussinerit naqiteritilluni akuerineqartarnerata nakkutilliiffiqarneq
- aqutsisut isumaqatigiissutit sinnerlugit sulineranni akissarsiassaasa najoqqutassat atuuttut naapertorlugit akilernerqartarnerannik nakkutilliineq

Paasisat

Akissarsialerisummit qaammammusiiallit qassiit akissarsiaannik suliat nakkutilliiffiqarnerannik suliaqarpugut.

Inunnut toqqarneqartunut akissarsiatut tunniussat, tapit, ullormusiat aamma aaqqiissutit il. il. akissarsialeriffimmi suliat pappiaraataannut aamma akissarsiat pillugit isumaqatigiissutit, akissarsiat nalunaarsorneqarnerat aamma aalajangiinerit aalajangersimasut pillugit kaajallaasitat pissarsiarisimasatsinnut nakkutilliiffigaavut nallersuullugillu.

Misissugassanik tiguisarluni suliamut tassunga aningaasat nikingassutaannik kukkunernik malunnaatilinnik naammattuugaqanngilagut.

4.5. Tunisinermi malittarisassatut tunngavissamik eqquutsitsineq naatsorsuutigineqarsinnaasutullu ingerlanneqarnera

Siunertaq

Tunisinernik kukkunersiuinermi siunertarineqarpoq tunisineq pisariaqartumik akuersissutitaqarluni aamma killiliussat naapertorlugit ingerlanneqarneranik nakkutilliinissaq, tassunga inatsisitigut tunngavissat aamma akinik inissiineq pingaartinneqarlutik.

Annertussuseq

Nakkutilliinermi ilaatigut tulliuuttut naliliiffigineqarput;

- avataanit sullitanut akiligassiinermi akigitat aningaasaqarnermik illersorneqarsinnaasumik qulakkeerinnissutaanersut, taamaaliornikkut aningaasanik isaatitaqarnermik ingerlatsivik minnerpaamik oqimaaqatigiissumik angusaqartarsinnaaqqullugu.

Paasisat

Akigitat nalunaarutigineqartut sammisani isertitsissutaasuni katinnerat oqimaaqatigiippoq. Misissuinitinni kukkunernik paasisaqanngilagut.

5. Ingerlatsinermik kukkunersiuineq

Ingerlatsinermik kukkunersiuinermi ingerlatsinerup aningaasaqarneq eqqarsaatigalugu naapertuuttumik ingerlanneqarnera misilerarneqartarpoq.

Pisortat kukkunersiorneqartarneranni malittarisassat (SOR) naapertorlugit pisussaaffinnik kukkunersiuineq ingerlanneqarsinnaavoq kukkunersiorneqartussat kaaviiartumik pilersaarusiarneqarnerat naapertorlugu, taamaaliornikkut kukkunersiorneqartussatut pisussaaffittallit ukiut 5 qaangiukkaangata misissorneqartarput.

Aarlerinaatinik aamma pingaarutilinnik naliliinerput tunngavigalugu kukkunersiorneqartartussatut kaaviiartussanut pilersaarummik tuliiuttumik suliaqarpugut:

Sammanut pilersaarut/sammanut	Kingullermik misissuineq	2020	2021	2022	2023	2024
Sammanik aamma nukissanik aqutsineq *	2023	(X)	X	(X)	(X)	(X)
Anguniakkanik aamma angusanik aqutsineq *	2023	(X)	X	(X)	(X)	(X)
Pisiniartarnermik aqutsineq *	2024	X	(X)	X	(X)	X
Ukiuni arlalinni suliniutit aningaasaliiffiqineqartut missingersuutaannik aqutsineq *	2020	(X)	(X)	(X)		

* SOR naapertorlugu sammanut pilersaarut. Iliuserisanik itisiliineq ukiutit ukiutit nikerarsinnaavoq, taanna nalunaaqutserneqarpoq (X). Sammasaq toqqarneqarsimappat (ungaluuteqanngilaq), pingaaruteqarnera- aamma aarlerinaateqarnera tunngavigalugu toqqaasoqassaaq taassumalu iluani pingaarnersiorneqarsimasut nakkutilliiffiqineqarlutik.

5.1. Killiliineq

Ukiuoorutut naatsorsuutitut atasumik ingerlatsinermik kukkunersiuinermi pingaarnertut nakkutilliiffiqineqarput aqqissuussat ingerlatseriaatsillu pioreersut.

Suliamut tassunga atasumik pissutsinik nalunaarusiornermut naapertuuttunik paasisaqassagutta aamma/imaluunniit aningaasaqarnermik kiisalu ingerlatsinermik kukkunersiuinermut pissutsinik attuumassuteqartunik paasisaqassagutta nalunaarusiami matumani ilanngunneqassapput.

5.2. Nakkutilliinermik suliaasaqarfik

Nakkutilliinermik suliaasaqarfimmi ileqqaarsinnaassuseqarneq, pilersitsineq aamma pitsaasumik ingerlatsinerup qulakkeerneqarnerannut ilaatigut makkuupput:

- Ingerlatsinermut nukissat atorineqartut naapertuuttuunerat/pitsaassusiat aamma akigitat pitsaanerpaamik ataqatigiissinneqarnerannik nalilersuiuarnerit

- Nukissat aamma sammisat (sammisat assingusut nukissanik ikinnerusunik atuilluni anguneqarsinnaappat) pitsaanerpaamik ataqatigiinnerannik nalilersuiuarnerit

Kissaatigisatut sunniutit piviusunngortinnerannik suliniutit pitsaanerpaajunerannik (nukissanik annikinnerusunik atuilluni suliniuteqarnermik ingerlatsisoqartuuppat sunniut assingusoq pisarsiarineqarsimassagaluarpa) nalilersuiuarnerit

5.3. Sammisani aamma nukissanik aqutsineq

Siunertaq

Siunertaavog nalilissallugu, Asiaq suleriaatsinik aamma nammineq nakkutilliinernik naapertuuttunik aaqqissuussisimanersoq, qulakkeerinnissutaasunik, aqutsisut naammattunik uppersusilinnillu paasisutissaateqartut aalajangiinernik tunngavilersorluakkanik aamma piffissaatillugu ingerlatsisinnanannut sulianik aamma sammisanik aqutsineq eqqarsaatigalugu.

Annertussuseq

Kukkunersiuneq annermik ingerlanneqartarpoq tamanna pillugu aqutsisunik oqaloqateqartuarnikkut.

Paasisat

Asiaq nalunaaquttap-akunnerinik pingaarnertut tunisaqartarpoq, aamma taamaattumik nalunaaquttap-akunnerisa aamma suliasat imminnut ataqatigiinnerannik aqutsineq Asiaq-mut pingaaruteqarlunnarpoq.

Ataqatigiissumik tassannga aaqqissuussanik aamma sakkussanik qulakkeerinnissutaasunik pilersitsisoqarsimavoq, imaattunik suliffeqarfiup angissusianut aamma katitigaaneranut illersorneqarsinnaasutut nalilernerqarsimasunik.

5.4. Anguniakkanik aamma angusanik aqutsineq

Siunertaq

Siunertaavog nalilissallugu Asiaq suleriaatsinik aamma nammineq nakkutilliinernik naapertuuttunik aaqqissuussisimanera, Asiaq-mi anguniagassat isumaqatigiissutaasimasut nalunaarutiginnissannut qulakkeerinnissutaasunik.

Annertussuseq

Kukkunersiuneq annermik ingerlanneqartarpoq tamanna pillugu aqutsisunik oqaloqateqartuarnikkut.

Paasisat

Suliniutitut anguniakkat aqunneqarnerat pingaarnertut pineqarpoq, suliffeqarfiup angissusia katitigaaneralu eqqarsaatigalugit naammaginartutut nalilernerqarpoq.

5.5. Pisiniartarnermik aqutsineq

Siunertaq

Siunertaavoq nalilissallugu Asiaq suleriaatsinik aamma nammineq nakkutilliinernik naapertuuttunik aaqqissuussisimaneq, qulakkeerinissutaasunik Asiaq pisiniarnissamik isumaqatigiissutinik neqerooruteqartartoq aamma atorluaasoq taamaaliornikkullu akikilliliissutaasinnaasunik il.il. atorluaalluni.

Siunertaq

Kukkunersiuineq annermik ingerlanneqartarpoq tamanna pillugu aqutsisunik oqaloqateqartuarnikkut.

Paasisat

Inatsisit atuutsinneqarnerannik kukkunersiuinermi pisiniartarnek pillugu immikkoortoq matumani innersuussutigineqarpoq

6. Ingerlatsinermik kukkunersiuinerit annertunerusut

Ukiup ingerlanerani ingerlatsinermik kukkunersiuinernik annertunerusunik ingerlatsisoqanngilaq.

7. Paasissutissat allat

Uagut kiffaanngissuseqarnerput tunngaviusumik aalajangiisuuvoq avatangiisitsinnit kukkundersiuisutut arlaannut pituttorsimanngitsutut sulinita tatigineqarneranut. Taamaattumik tamanna illersugaraarput – inuttut aamma sulianut tunngatillugu.

Uagut ingerlatseriaatsitta qularnaarpaa, kukkundersiuisoqatigiit suliffeqarfimmi kukkundersiukkatsinni aqutsinermik sulisunut inuttut attaveqartuunnginnerput.

Uagut ingerlatseriaatsitta aamma qularnaarpaa suliffeqarfik kukkundersiugarput sinnerlugu sulianik ingerlatsineq ajortugut uagut kiffaanngissuseqartuunitsinnut assortuussinnaasunik, tassunga ilanngullugu imminut kukkundersiornissamut aarlerinaatitaqarsinnaasunik imalinnik.

Immikkoortumi matumani suliffeqarfimmut suliassat sularisavut ilisimatitsissutigaa.

7.1. Suliffeqarfimmut suliassat allat

Kukkundersiuisup nalunaarutaannik 30.04.2024-mi tunniussinitta kingorna Asiamut suliassanut makkununga tunngatillugu ikiupput:

- Naatsorsuutit ilusilernissaannut ikiuineq

8. Atsiornerit

Inatsisit naapertorlugit matumuuna uppersaatigissavarput inatsisini piumasaqaataasutut kiffaanngissuseqartuunerput, aamma kukkundersiunerup ingerlanerani paasissutissat qinnutigisimasinnaasavut tamaasa pissarsiarigatsigik.

Nuuk, ulloq 04.04.2025

Deloitte

Kukkundersiunermit Ingerlatseqatigiiffik Naalagaaffimmit akuerisaq



Bo Colbe

kukkundersiuisoq naalagaaffimmit akuerisaq
MNE-nr. 24634



Lars Hillebrand

kukkundersiuisoq naalagaaffimmit akuerisaq
MNE-nr. 26712

Ataatsimiinnermi saqqummiunneqartoq ulloq 04.04.2025



Natuk Lund Meire

Naalakkersuisoqarfimmi pisortaq



Mette Skarregaard Pedersen

pisortaq

Om Deloitte

Deloitte leverer ydelser inden for Revision, Skat, Consulting og Financial Advisory til både offentlige og private virksomheder i en lang række brancher. Vores globale netværk med medlemsfirmaer i mere end 160 lande sikrer, at vi kan stille stærke kompetencer til rådighed og yde service af højeste kvalitet, når vi skal hjælpe vores kunder med at løse deres mest komplekse forretningsmæssige udfordringer. Deloitte's ca. 450.000 medarbejdere arbejder målrettet efter at sætte den højeste standard.

Deloitte Touche Tohmatsu Limited

Deloitte er en betegnelse for Deloitte Touche Tohmatsu Limited, der er et britisk selskab med begrænset ansvar, og dets netværk af medlemsfirmaer. Hvert medlemsfirma udgør en separat og uafhængig juridisk enhed. Vi henviser til www.deloitte.com/about for en udførlig beskrivelse af den juridiske struktur i Deloitte Touche Tohmatsu Limited og dets medlemsfirmaer.